

重刊萬方類纂

四

汗出止

杜蒺藜當歸等分爲末米飲每服三錢

巴豆去油

如綠豆大三丸以烏金石末一錢調

湯送下即通

虎杖三兩凌霄花沒藥一兩爲末

熱酒每服一錢

腹大如甕氣短欲死虎杖一斤

去頭暴乾切土瓜根汁牛膝汁二斗水一斛浸虎

杖一宿煎取二斗入二汁同煎如餚每酒服一合

日再夜一宿血當下

虎杖煎治女人月經不通

腹內積聚虛脹雷鳴四肢沉重亦治丈夫積聚取

高地虎杖根剉二斛水二石五斗煮取一斗半去

滓入醇酒五升煎如餚每服一合以知爲度結

成癥塊腹肋脹大欲死牛旁根二斤剉蒸三遍以

生絹袋盛之以酒二斗浸五日每食前溫服一盞

又馬鞭草根苗五斤剉細水五斗煎至一斗去滓

熬成膏每服半匙熱酒化下日二服小腹滯悶

四肢疼痛用赤馬肝一片炙碾每食前熱酒服一

錢通乃止臍腹積聚疼痛硃砂一兩皂角五挺

去皮子剉爲末以頭醋一大盞熬膏入陳橘皮末

三兩搗三百杵丸梧子大每溫酒下五丸宿有

風冷留血積聚月水不通菴蒿子一升桃仁二升

酒浸去皮尖碾勻入瓶內以酒二斗浸封五日後

每飲三合日三服 帶下少腹滿或經一月再見
者土瓜根散主之土瓜根芍藥桂枝蜜蠱各三兩
爲末酒服方寸匕日三服 或兩三月或半年一
年者用麻子仁一升桃仁二兩研勻熟酒一升浸
一夜日服一升 不行至一年臍腹痛腰腿沉重
寒熱往來用芥子二兩爲末每服二錢熱酒食前
服 數年不通面色痿黃唇口青白腹內成塊肚
上筋起腿脛或腫桃根煎主之用桃樹根牛旁根
馬鞭草根牛膝蓬蘽各一斤剉以水三斗煎一斗
去滓更以慢火煎如飴狀收之每以熱酒調服一
匙 萬應丸治女人月經瘀閉不來繞臍寒疝痛
徹及產後血氣不調諸癥瘕等病用乾漆一兩打
碎炒烟盡牛膝末一兩以生地黃汁一升入銀石
器中慢熬俟可丸如梧子大每服一丸加至三
五丸酒飲任下以通爲度 月經不利血氣上攻
欲嘔不得睡用當歸四錢乾漆三錢炒烟盡爲末
煉蜜丸梧子大每服十五丸空心溫酒下 女人
月水不通臍下堅如盃時發熱往來下痢羸瘦此
爲血瘕若生肉瘕不可治也乾漆一斤燒研生地
黃二十斤取汁和煎至可丸丸梧子大每服三九

空心酒下 月經久閉蠶沙四兩砂鍋炒半黃色入無灰酒一壺煮沸澄去沙每溫服一盞即通

龍胎治產後餘疾並治女人經閉積年不通同瓦松景天各少許以水兩盞煎一盞去滓分二服少

頃腹中轉動便下 經脉不通積血不散用烏鴉散主之烏鴉去皮毛炙三分當歸焙好墨各三分

延胡索炒蒲黃炒水蛭以糯米炒過各半兩芫青糯米炒過一分爲末每服一錢酒下

月經不調 血臟冷痛此方平易捷徑熟附子去皮當歸等分每服三錢水煎服 阿膠一錢蛤

粉炒成珠研末熱酒服即安一方入辰砂末半錢久而無子乃衝任伏熱也熟地黃半斤當歸二

兩黃連一兩並酒浸一夜焙研爲末煉蜜丸梧子大每服七十丸米飲溫酒任下 產後月水往來

乍多乍少白狗糞燒末酒服方寸七日三

月信澀滯 蘘荷根細切水煎取二升空心入酒和服

月經逆行 從口鼻出先以京墨磨汁服止之次用當歸尾紅花各三錢水一鍾半煎八分溫服

其經卽通 魚膠切炒新綿燒
灰每服二錢米飲調下卽愈

五旬行經

婦人五十後經水不止者作敗血論用茜根一名過山薑一兩阿膠側柏葉炙黃芩

各五錢生地黃一兩小兒胎髮一枚燒灰分作六帖每帖水一盞半煎七分入髮灰服之 芩心丸

治婦人四十九歲已後天癸當住每月却行或過多不止用條芩心二兩米醋浸七日炙乾又浸如

此七次爲末醋糊丸梧子大每服七十丸空心溫酒下日二次

通經破血

舊屋陰處瓦花活者五兩熬膏當歸鬚乾漆一兩燒烟盡當門子二錢爲末棗肉和

丸梧子大每服七十丸紅花湯下

經閉驗胎

經水三個月不行驗胎法川芎生爲末空心煎艾湯服一匙腹內微動者是胎不動

者非也

室女經閉

當歸尾沒藥各一錢爲末紅花浸酒面北飲之一日一服 凌霄花爲末每服二錢

食前溫酒下 茜根一兩煎酒服之一日即通甚效 用酢榴根東生者一握炙乾水二大盞濃煎

一盞空心服之未通再服 牡鼠屎一兩炒研空心溫酒服二錢 恍惚煩熱者鉛霜半兩生地黃

汁一合調下日三服 血結成塊心腹攻痛質汗薑黃川大黃炒各半兩為末每服一錢溫水下

月水不止 阿膠炒焦為末酒服二錢 羊前左腳脛骨一條紙裏泥封令乾煨赤入棕櫚灰等

分每服一錢溫酒服之 牡蠣煨研米醋搜成團再煨研末以米醋調艾葉末熬膏丸梧子大每醋

湯下四五十九 側柏葉炙芍藥等分每用三錢水酒各半煎服室女用側柏葉木賊炒微焦等分

為末每服二錢米飲下 拒霜花蓮蓬殼等分為末每用米飲下二錢 青竹茹微炙為末每服三

錢水一盞煎服 船茹一斤淨洗河水四升半煮二升半分二服 瑞蓮散用陳蓮蓬殼燒存性研

末每服二錢熱酒下 五靈脂炒烟盡研每服二錢當歸兩片酒一盞煎六分熱服三五度取效

紅鷄冠花一味曬乾為末每服二錢空心酒調下忌魚腥猪肉 箬葉灰蠶紙灰等分為末每服二

錢米飲下 木賊炒三錢水一盞煎七分溫服日一服 生地黃汁每服一盞酒一盞煎服日二次

白芍藥香附子熟艾葉各一錢半水煎服之

梅葉焙櫻欄皮灰各等分爲末每服二錢酒調下

烏龍尾炒烟盡荆芥穗各半兩爲末每服二錢茶

下 勞損黃瘦暫止復發小勞輒劇者槐耳炒黃

赤石脂各一兩爲末食前熱酒服二錢桑黃亦可

日二服桑黃須焙研不必加赤石脂 來無時者

案紙二十張燒灰清酒半升和服頓定冬月用煖

酒服之 日漸黃瘦者紫釰末二錢空心白湯下

用黑驢屎燒存性研末麩糊丸梧子大每空心

黃酒下五七十丸神效並治血崩 炒豆紫湯服

之佳方載

產後門

經水過多

赤石脂破故紙一兩爲末每服二錢米飲下

婦人月水論

女子陰類也以血爲主其血上應太陰

月一行與之相符故謂之月水月信月經經者常

也有常軌也天癸者天一生水也邪術家謂之紅

鉛謬名也。女人之經一月一行，其常也。或先或後，或通或塞，其病也。復有變常而古人並未言及者，不可不知。有行期只吐血、衄血，或眼目出血者，是謂逆行。有三月一行者，是謂居經。俗名按季，有一年一行，是謂避年。有一生不行而受胎者，是謂暗經。有受胎之後，月月行經而產子者，是謂盛胎。俗名垢胎。有受胎數月，血忽大下而胎不墮者，是謂漏胎。此雖以氣血有餘不足言，而亦異于常矣。女子二七天癸至，七七天癸絕，其常也。有女年十二受孕者，有六十餘生二男一女者，此又異常之尤者也。學醫者亦宜留心焉。

婦人血氣

紫荊皮爲末，醋糊丸。櫻桃大，每酒化服一丸。木通濃煎三五盞飲之，卽通血氣。

刺痛五靈脂生研三錢，酒一盞煎沸，熱服。又荔枝核燒存性，半兩，香附子炒一兩，爲末，每服二錢，鹽湯米飲任下，名蠲痛散。血氣心痛數年不愈，用人言半分，茶末一分，白湯調下，吐瘀血一塊而愈。血氣遊走作痛及腰痛，蓬莪茂乾漆二兩爲末，酒服二錢，腰痛核桃酒下。腹中刺痛，經候不調。

用玄胡索去皮醋炒當歸酒浸炒各一兩橘紅二兩爲末酒煮米糊丸梧子大每服一百丸空心艾醋湯下血氣作痛及下血無時月水不調用華芡鹽炒蒲黃炒等分爲末煉蜜丸梧子大每空心溫酒服三十九兩服卽止名二神丸臍下氣脹月經不利血氣上攻欲嘔不得睡當歸四錢乾漆燒存性二錢爲末煉蜜丸梧子大每服十五丸溫酒下血氣冷痛攻心鉛二兩石亭脂二兩木香一兩麝香一錢先化鉛炒乾入亭脂急炒焰起以醋噴之傾入地坑內覆住待冷取研粟飯丸芡子大每用二丸熱酒化服取汗或下或通氣卽愈如大便不通再用一丸入玄明粉五分服婦人不曾生長血氣疼痛不可忍二聖丸濕漆一兩熬一食頃入乾漆末一兩和丸梧子大每服三四丸溫酒下怕漆人不可服並治丈夫疝氣小腸氣撮痛者血氣刺痛紅藍子一升搗碎以無灰酒一大升拌子暴乾重搗篩蜜丸梧子大空心酒下四十丸又心痛門失笑散血氣攻心痛不可忍蓼根洗剉浸酒飲又沒藥末二錢水一盞酒一盞煎服血氣脹滿劉寄奴穗實爲末每服三錢酒煎

服不可過多令人吐利此破血之仙藥也一切

血氣腹痛天仙藤五兩炒焦為末每服溫酒調服

婦人上逆心煩悶刺痛水牛角燒末酒服方寸七

細研醋一升煎濃和丸小豆大每服十五丸醋湯

下婦人血病用白馬蹄燒烟盡研末酒服方寸

七日三夜一血化為水也

補血破氣追氣丸治婦人血刺小腹痛不可忍亦可

桂心各一兩高良薑半兩為末醋糊丸梧子大每淡醋湯下五丸

婦人血塊土牛膝根洗切焙搗為末酒煎溫服極效

二升煮十沸頓服取利
癥瘕門有血癖一條
婦人肌熱血虛者吃力伽散用白朮白茯苓白芍藥
各一兩甘草半兩為散薑棗煎服
婦人勞熱心忤地黃煎用生乾地黃熟乾地黃等分
為末生薑自然汁入水相和打糊丸

梧子大每服三十丸用地黃湯下或酒醋茶湯下亦可日二服覺臟腑虛冷則晨服八味丸地黃性冷壞脾陰虛則發熱地黃補陰血故也

婦人發熱

欲成勞病肌瘦食減經候不調地髓煎用乾地黃一斤爲末煉蜜丸梧子大每酒服

五十丸

婦人骨蒸

載發熱門

婦人夜熱痰嗽

月經不調形瘦者用瓜蒌仁一兩青黛香附童尿浸曬一兩五錢爲末蜜

調噲化之

婦人五心發熱

水仙花乾荷葉赤芍藥等分爲末白湯每服二錢熱自退也

女子少腹痛

女子忽得小腹中痛月經初來便覺腰中切痛連脊間如刀錐所刺不可忍者

疑是鬼淫服諸藥無益其疾轉增審察前狀卽用此藥其藥用夏五月積雪草正放花時卽采曝乾

搗篩爲糝每服二方寸七和好醋二小合攪勻平旦空腹頓服之每旦一服以知爲度如女子陰冷者卽取前藥五兩加桃仁二百枚去皮尖熬搗爲散以蜜爲丸如梧子大每旦空腹以飲及酒下三十丸日再服以愈爲度忌麻子蕎麥

乾血氣痛

蝙蝠一箇燒存性每酒服一錢卽愈血氣不行上衝心膈變爲乾血氣者用絲瓜

一枚燒存性空心溫酒服 錦紋大黃浸酒曬乾四兩爲末好醋一升熬成膏丸芡子大卧時酒化一丸服大便利一二行紅漏自下乃調經仙藥也或加香附

婦人血厥

平居無疾苦忽如死人身不動搖目閉口噤或微知人眩冒移時方寤此名血厥亦

名鬱冒出汗過多血少陽氣獨上氣塞不行故身如死氣過血還陰陽復通故移時方寤婦人尤多

此證宜服白微湯用白微當歸各一兩人參半兩甘草一錢半每服五錢水二盞煎一盞溫服

血枯

有病胸脇支滿者妨于食病至則先聞脾臊臭出清液先唾血四肢清目眩時時前後血病名

曰血枯得之年少時有所大脫血或醉入房中氣竭肝傷故月事衰少不來治之以四烏賊骨一蘆茹爲末丸以雀卵大如小豆每服五丸飲以鮑魚汁飯後藥先所以利腸中及傷肝也三藥並不治

血枯而經法用之是攻其所生所起耳

血結

婦人小腹滿如敦狀小便微難而不渴此爲水與血俱結在血室大黃二兩甘遂阿膠各一兩

水一斗半煮半升頓服其血當下

血奔

舊敗蒲燒灰酒服二錢

血運

沒藥末一錢酒服

血勞

憔悴困倦喘滿虛煩喑喑少氣發熱多汗口乾舌澁不思飲食名血風勞油煎散用五加皮牡

丹皮赤芍藥當歸各一兩爲末每用一錢水一盞用青錢一文蘸油入藥煎七分溫服常服能肥婦

人

血黃

黃茄子竹刀切陰乾爲末每服二錢溫酒調下

婦人血風

虛冷月候不勻或手脚心煩熱或頭面浮腫頑麻用川烏頭一斤清油四兩鹽四兩

鎔內同熬令裂如桑椹色爲度去皮臍五靈脂四兩爲末搗勻蒸餅丸如梧子大空心溫酒鹽湯下

二十丸亦治丈夫風疾血風攻腦頭旋悶絕忽死倒地不知人事者用喝起草嫩心陰乾爲末以

酒服一大錢其功甚效此物善通頂門連腦蓋卽蒼耳也烏荊丸並治婦人血風見諸風門頭

痛門女人頭痛條下有血風證一條

婦人惡血

攻聚上面多怒牡丹皮半兩乾漆燒烟盡半兩水二鍾煎一鍾服琥珀和大黃龍

甲作散酒下方寸匕下惡血婦人腹內血盡卽止

婦人氣盛血衰

變生諸證頭運腹滿皆宜抑氣散主之香附子四兩炒茯苓甘草炙各一

兩橘紅二兩爲末每服二錢沸湯下

男女血虛

麥門冬三斤取汁熬成膏生地黄三斤取汁熬成膏等分一處濾淨入蜜四之一再

熬成瓶收每日白

湯點服忌鐵器

婦人勞復

病初愈有所勞動致熱氣衝胃手足搐搦拘急如中風狀淡竹青茹半斤栝樓二兩

水二升煎一升分二服

婦人百病

諸虛不足者當歸四兩地黄二兩為末蜜丸梧子大每食前米飲下十五丸

女人諸病

四制香附丸治婦人女子經候不調兼諸病大香附子擦去毛一斤分作四分四兩

醇酒浸四兩醇醋浸四兩鹽水浸四兩童子小便浸春三秋五夏一冬七日淘洗淨曬乾搗爛微焙

為末醋煮麪糊丸梧子大每酒下七十丸瘦人加澤蘭赤茯苓末二兩氣虛加四君子料血虛加四

物料香附濟陰丸治婦人月經不調久成癥積一切風氣用香附子一斤分作四分以童溲鹽水

酒醋各浸三日艾葉一斤漿水浸過醋糊和作餅曬乾晚蠶沙半斤炒我茂四兩酒浸當歸四兩酒

浸各焙為末醋糊丸梧子大每服七十丸米飲下
日二醋附丸治婦人室女一切經候不調血氣

刺痛腹脇膨脹心怔乏力面色痿黃頭運惡心崩
漏帶下便血癥瘕積聚及婦人數墮胎由氣不升

降服此尤妙香附子米醋浸半日砂鍋煮乾搗焙
石日為末醋糊為丸醋湯下又艾附丸治同上香

附子一斤熟艾四兩醋煮當
歸酒浸二兩為末如上丸服

婦人狐瘕

因月水來或悲或驚或逢疾風暴雨被濕
致成狐瘕精神恍惚令人月水不通胸脇

腰背痛引陰中小便難嗜食欲嘔如有孕狀其瘕
手足成形者殺人未成者可治用新鼠一枚以新

絮裹之黃泥固住入地坎中桑柴燒其上一日夜
取出去絮入桂心末六銖為末酒服方寸匕不過

二服當
自下

鬼胎癥瘕

經候不通荒花根三兩剉炒黃為末每服
一錢桃仁煎湯調下當利惡物而愈婦

人經脉不通癥瘕塊脹滿腹有鬼胎用葛上亭長五
枚以糙米和炒去翅足研末分三服空心甘草湯

下須與覺臍腹急痛
以黑豆煎湯服當通

婦人無子

立春雨水夫妻各飲一盃還房當獲時有子神效
二月丁亥日取杏花桃花陰乾

爲末戊子日和井華水服方寸七日三服
白狗骨煎汁同米煮粥補婦人令有子上元盜取富

家燈盞置床

下令人有子

子宮虛寒

婦人無子由子宮虛寒下元虛月水不調或閉或漏或崩中帶下或產後敗血未盡

內結不散用紅娘子六十枚大黃葶藶皂莢各一兩巴豆一百二十枚爲末棗肉爲丸如彈子大以

綿裹留繫用竹筒送入陰戶一時許發熱渴用熟湯一二盞解之後發寒靜睡要安三日方取出每

日空心以鷄子三枚胡椒末二分炒食酒下以補之久則子宮煖矣
女陰門有婦人陰冷條

婦人黃疸

見黃疸門

婦人嘈雜

按陳自明云皆血液淚汗變而爲痰或言是血嘈多以猪血炒食而愈蓋以血導血